

De Palm a test su parke di awa nobo

ORANJESTAD - E isla priva di De Palm recientemente a test su parke di awa, cual ta hiba e nomber “Blue Parrot Waterpark.” Como reconocimiento na e trahadonan cu a construi e parke di awa, de Palm a invita tur e contratistanan y nan empleadonan, kendenan a contribui na e realisacion di e proyecto, pa test e parke di awa hunto cu nan casanan y yiunan. Mas o menos 400 empleado y nan famia a acepta e invitacion.

Un cantidad di persona hoben y hoben na curason a participa den e evento cu a tuma luga diasabra, 17 di juni 2006. E apertura oficial lo tuma luga riba un fecha mas laat ora cu e proyecto ta completamente cla. Na e momento aki e playanan y e parke di awa hunto cu su 6 slipnan di awa ta cla pa ricibi bishitante. Pero ainda tin varios edificio cu

mester wordo completa.

“Mi kier a traha algo cu tam as cu djis un slip di awa,” tabata palabranan di e director di directiva di De Palm, Harold Malmberg. “Nos kier ofrece e publico un facilidad diseña pa entretene adultonan y nan muchanan hunto. Adultonan ta haci tiki actividad cu nan yiunan awendia. Pa e motibo aki mi tabata kier pa nos compania crea un experiencia dibirtido cu famianan por a disfruta di dje hunto.” E cabes di e directiva a mira su vision bira realidad ora cu e suitnan di awa a sende y mas cu 70 wega acuatico a haya bida.

Malmberg tabata contento di por splica cu e parke di awa ta consisti di mas cu 70 wega acuatico dibirtido y 6 slip di awa. “E enfoke principal ta riba un hemchi grandi situa riba e parke di awa, cu ta yena cu awa y ta basha tur e awa cada 3 minuut, causando un

splash grandi di awa y hopi pret. E parti aki di e proyecto finalmente a keda cla. Pero ainda tin hopi sorpresa na caminda cu a trabou cu ainda mester wordo haci y e partinan cu ainda ta bou construccion,” el a priminti.

Diasabra tardi, den un discurso cortico, Malmberg a gradici e siguiente personanan:

- Mike Giglio, kende tabata e supervisor pa construccion di e pisina, camber mecanico y tur instalacion acuatico.

- Doug Daneliuk, kende a dirigi e construccion di e structuranan di hunga, slipnan di awa y tur structura relaciona cu esaki.

- Daniel Aguirre, kende ta encarga cu e departamento tecnico y ingenieria di De Palm Corporation. Daniel a wak pa tur e detayenan tecnico wordo haci manera plania.

Sigui lesa pagina B11

